



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/21-3-40-464-4/21**
Datum: **08.11.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „JUNUZOVIĆ-KOPEX” d.o.o. Lukavac za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „JUNUZOVIĆ-KOPEX” d.o.o. Lukavac – P.J. Kalesija, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu „JUNUZOVIĆ-KOPEX” d.o.o. Lukavac daje se vodna dozvola za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „JUNUZOVIĆ-KOPEX” d.o.o. Lukavac - Poslovna jedinica Kalesija, izgrađene na zemljištu označenom kao k.č. broj: 347/12, 347/8 i 347/3 K.O Kalesija Grad, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=100 \text{ m}^3$ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan redovno vršiti kontrolu međuplašnog prostora rezervoara, njihovo čišćenje kao i kontrolu rada.
 - 3.4. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa lokacije predmetne benzinske pumpe i nesmetano sakupljaju i odvođe do ugrađenih separatora ulja i naftnih derivata, a zatim preko okna za monitoring ispuštaju u u kolektor oborinske kanalizacije kojim upravlja JP „Vodovod i kanalizacija” d.o.o Kalesija.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po

osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.7. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „JUNUZOVIĆ-KOPEX“ d.o.o. Lukavac, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice „JUNUZOVIĆ-KOPEX“ se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa „JUNUZOVIĆ-KOPEX“ d.o.o. Lukavac - Poslovna jedinica Kalesija, izgrađene na zemljištu označenom kao k.č. broj: 347/12, 347/8 i 347/3 K.O Kalesija Grad, općina Kalesija.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra bez broja od 20.09.2019 godine izdata od Općinskog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 18.08.2003. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/5-1/II-17-1-1735-884 dana 11.11.2015. godine donesenog od Uprave za indirektno-neizravno oporezivanje Banja Luka;
- Ovjerena kopija Rješenja o odobrenje za građenje donesenog od strane Službe za prostorno uređenje, geodetske i imovinsko-pravne poslove Općine Kalesija, broj: 02/2-1-19-2-1612/21 dana 06.04.2021. godine.
- Kopija Rješenje o vodnoj saglasnosti donesenog od strane Agencije za vodno područje rijeke Save, broj: UP-I/25-2-40-316-2/20 od 18.08.2020. godine;
- Rješenje o vodnoj saglasnosti broj: 04/1-11-21-23216/20 od 09.09.2020. godine donesenog od strane Ministarstva poljoprivrede, vodoprivrede i šumarstva – Tuzlanski Kanton;
- Kopija Načelne saglasnosti za priključak na vodovodnu mrežu, broj: NS/6-51.1-438/19 od 16.10.2019. godine izdatu od JP „Vodovod i kanalizacija“ d.o.o. Kalesija;
- Glavni projekat prikupljanja, tretmana i ispuštanja otpadnih voda benzinske pumpe i autobuske stanice Kalesija, urađenog od strane projektne firme „TQM“ d.o.o. Lukavac, broj: 10-22/20, juli 2020. godine;
- Izmjena glavnog projekta vanjskog vodovoda i kanalizacije u poslovnom kompleksu broj: I-70-03/21 od mart 2021. godine urađen od strane ATRIUS d.o.o. Živinice
- Dokaz o uplati upravne pristojbe i administrativna taksa na zahtjev.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-464-2/21 od 28.10.2021. godine i konstatovano slijedeće:

Objekti benzinske pumpne stanice sa pratećim sadržajima izgrađeni su na zemljištu označenom kao k.č. broj: 347/12, 347/8 i 347/3 K.O Kalesija Grad, općina Kalesija.

Na predmetnoj lokaciji izgrađeni su slijedećih sadržaji: nadstrešnica, automati za istakanje goriva, pomoćne prostorije, kancelarijski prostor, parking prostor, autobuska stanica, podzemni čelični dvoplašni rezervoar za skladištenje nafte i naftnih derivate.

Vodosnabdijevanje objekata izvest će se putem priključka na mjesni vodovodni sistem. Na lokaciji kompleksa nastaju oborinske onečišćene vode i sanitarno-fekalne otpadne vode. Oborinske onečišćene vode će se prikupljati putem slivnika sa slivnom rešetkom u internu kanizacionu mrežu i odvesti do tipskog separatora, te preko okna za monitoring ispuštati u kolektor oborinske kanalizacije kojim upravlja JP „Vodovod i kanalizacija“ d.o.o. Kalesija. Za skladištenje nafte i naftnih derivata izvršena je ugradnja podzemnog čeličnog rezervoara sa duplim plaštom ukupne zapremine 100 m³.

Projektna dokumentacija, dostavljena uz zahtjev, urađena je od strane pravnog lica TQM d.o.o. Lukavac. U toku izvođenja radova došlo je do izmjena projektne dokumentacije u smislu prikupljanja, tretmana i ispuštanja oborinskih onečišćenih voda sa lokacije benzinske stanice i autobuske stanice izgrađen Kalesiji. Projektom izvedenog stanja urađenim od strane ATRIUS d.o.o. Živinice konstatovano je da će se vode sa lokacije objekta ispuštati u kolektor oborinske kanalizacije. Pravno lice TQM d.o.o. Lukavac dalo je projektantsku saglasnost broj: 3-268-3488/21 od 19.10.2021 za izmjenu glavnog projekta I-70-03/21 od mart 2021. godine urađen od strane ATRIUS d.o.o. Živinice. Uvidom u ISV AVP Sava utvrđeno je da kanalizacioni sistem kojim upravlja komunalno preduzeće JP „Vodovod i kanalizacija“ d.o.o Kalesija nema vodnu dozvolu za ispuštanje otpadnih voda i bez obzira na činjenicu što je po projektnoj dokumentaciji predviđeno da se predmetna benzinska stanica priključi na javni kanalizacioni sistem, ista podliježe obavezi ishodovanja vodnih akata u skladu sa članom 110. Zakona o vodama.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Prilog:

- Glavni projekat prikupljanja, tretmana i ispuštanja otpadnih voda benzinske pumpe i autobuske stanice Kalesija, urađenog od strane projektne firme „TQM“ d.o.o. Lukavac, broj: 10-22/20, juli 2020. godine.
- Izmjena glavnog projekta vanjskog vodovoda i kanalizacije u poslovnom kompleksu broj: I-70-03/21 od mart 2021. godine urađen od strane ATRIUS d.o.o. Živinice.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- "JUNUZOVIĆ-KOPEX" d.o.o. Lukavac, ul. Modrac-Studenac bb, 75300 Lukavac (Prilog)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava